

Na osnovu Odluke Skupštine Tuzlanskog kantona broj: 01-02-454-3/14 od 04.07.2014. godine, Zaključka Skupštine Tuzlanskog kantona broj: 01-02-454-4/14 od 04.07.2014. godine i Odluke Vlade Tuzlanskog kantona broj: 02/1-18-015930/14 od 04.07.2014. godine, Vlada Tuzlanskog kantona, raspisuje

## **JAVNI POZIV**

za prikupljanje prijava za intervencije u privrednim društvima iz hemijske i drvoprerađivačke industrijske grane

**I PREDMET POZIVA:** Prikupljanje prijava za intervencije u privrednim društvima u industrijskim granama drvoprerađivačke i hemijske industrije koje su Odlukom Skupštine Tuzlanskog kantona i Odlukom Vlade Tuzlanskog kantona proglašene kao grane od posebnog interesa za Tuzlanski kanton i prioritarno djelovanje.

Interventna sredstva namijenjena su za: sanaciju ili restrukturiranje privrednih subjekata, pomoć privrednim subjektima u poteškoćama i kupovinu dionica ili udjela u privrednim društvima.

## **II USLOVI:**

1. Da je privredno društvo registrovano i da ima sjedište na području Tuzlanskog kantona,
2. Da je privredno društvo iz proizvodne djelatnosti,
3. Da ima urađen Plan revitalizacije koji sadrži sljedeće podatke:
  - a. Opšti podaci o preduzeću
  - b. Ocjena finansijskog statusa
  - c. Ocjena finansijskog poslovanja
  - d. Aktuelno stanje i trenutna problematika u privrednom društvu
  - e. Bilans stanja u zadnjih pet godina sa analizom
  - f. Očekivanja i projekcije za rentabilno poslovanje
  - g. Mogući pravci i krajnja rješenja za revitalizaciju
  - h. Tržišni aspekt revitalizacije
  - i. Konačna rješenja
  - j. Uspostava kontrole nad privrednim društvom od strane odgovornog vlasnika kapitala
  - k. Način revitalizacije
  - l. Organizaciona struktura i ljudski resursi
  - m. Procjena stanja i pouzdanosti osnovne i prateće opreme
  - n. Analiza ljudskih resursa
  - o. Ekonomsko – finansijska pozicija društva
  - p. Projekcija bilansa stanja za tri godine
  - q. Gotovinski tokovi za tri godine.

Plan revitalizacije mora biti urađen na osnovu nalaza i mišljenja sudskih vještaka ili ovlaštene revizorske kuće.

4. Da je urađen Elaborat o ekonomskoj opravdanosti realizacije Plana revitalizacije privrednog društva sa iskazanim ciljevima revitalizacije, efektima/koristima i rizicima za ostavarivanje interesa,
5. Da ima najmanje stotinu radnika u radnom odnosu na neodređeno vrijeme.

### **III RASPOLOŽIVA SREDSTVA**

1. Sredstva za intervencije biće realizovana kroz Budžet Tuzlanskog kantona, nalaze se na posebnom računu u Razvojnoj banci F BiH i povlačit će se prema ukazanoj potrebi.
2. Nakon analize prispjelih prijava Vlada Tuzlanskog kantona će odrediti i Skupštini Kantona predložiti način intervencije prema konkretnom privrednom društvu. Ako se predlaže intervencija u vidu prodaje dionica/udjela, uslov za prihvatanje takve ponude je da se nudi minimum 67% dionica/udjela. Otkup dionica vršiti po Zakonu o tržištu vrijednosnih papira („Službene novine Federacije BiH“ broj: 85/08 i 108/12) i Zakonu o preuzimanju dioničkih društava („Službene novine Federacije BiH“ broj: 7/06“).

### **IV PODNOŠENJE PRIJAVE**

Prijava se podnosi od strane ovlaštenog lica.

Uz prijavu potrebno je dostaviti sljedeću dokumentaciju:

1. Plan revitalizacije privrednog društva,
2. Elaborat o ekonomskoj opravdanosti realizacije Plana revitalizacije privrednog društva,
3. Izvod iz sudskog registra o registraciji i djelatnosti privrednog društva,
4. Ukoliko privredno društvo iz odgovarajuće privredne grane bude odabrano za prioritarno ulaganje u smislu ovog Javnog poziva i ukoliko se prijava bude odnosila na ponudu dionica/udjela, potrebno je dostaviti Pismo namjere ili drugi dokument ovjeren od strane notara kojim se dokazuje spremnost vlasnika kapitala za prodajom kapitala u najmanjem iznosu od 67 %, što uključuje i cijenu po jednoj dionici/udjelu, kao i ukupan iznos izražen u KM,
5. Uvjerenje nadležne porezne uprave o izmirenim/neizmirenim obavezama po osnovu obaveznih doprinosa, ne starije od tri mjeseca (doprinos za zdravstveno osiguranje, doprinos za osiguranje od nezaposlenosti i doprinos za PIO/MIO),
6. Uvjerenje nadležne porezne uprave o izmirenim/neizmirenim obavezama po osnovu poreza na dohodak ili bivšeg poreza na plaću, ne starije od tri mjeseca,
7. Uvjerenje nadležnog Regionalnog centra UIO BiH o izmirenim/neizmirenim obavezama po osnovu indirektnih poreza (PDV, carina ili akcize),
8. Ovjerenu izjavu pod punom krivičnom i materijalnom odgovornošću odgovornog lica privrednog društva, da privredno društvo jeste/nije osnivač drugog privrednog društva, te da li isto po tom osnovu ima novčane obaveze po bilo kom osnovu,
9. Ovjerenu izjavu pod punom krivičnom i materijalnom odgovornošću odgovornog lica privrednog društva o stanju obaveza po kreditima privrednog društva, sa priloženim usaglašenim i ovjerenim IOS-a za svaki kredit i upisanim hipotekama izdati od ZK- ureda,

10. Potvrda od nadležne porezne uprave o upisanim hipotekama na nekretnine privrednog društva po osnovu obračunatih, a neuplaćenih javnih prihoda,
11. Bilans stanja i bilans uspjeha za 2013. godinu,
12. Potvrda od PIO/MIO o broju zaposlenih radnika na neodređeno vrijeme.

Dokumenti koji se prilažu uz prijavu moraju biti originali ili ovjerene kopije.

Nepotpune i neblagovremene prijave neće se razmatrati.

Prijavu sa traženim dokumentima dostaviti u roku od 10 dana od dana objavljivanja Javnog poziva u dnevnom listu Dnevni avaz na sljedeću adresu:

**Vlada Tuzlanskog kantona**

**Ul. Rudarska br. 57**

**75000 Tuzla**

**Sa naznakom industrijske grane („Drvoprerađivačka“ ili „Hemijska“).**